



SLUŽBENE NOVINE OPĆINE ZENICA

GODINA XXXVIII
Broj 1

Petak,
13.01.2012. godine
Zenica

ISSN 1840-4588

VIJEĆE OPĆINE

1.

Na osnovu člana 22. i 116. Statuta Općine („Službene novine općine Zenica“ , broj: 4/08), a u vezi sa članom 21. Zakona o budžetu Federacije BiH („Službene novine Federacije BiH“ , broj: 19/06, 76/08, 5/09, 32/09, 51/09, 9/10, 36/10 i 45/10) na prijedlog Načelnika općine Zenica, Vijeće općine Zenica na 36. sjednici održanoj 29. decembra 2011. godine, donosi

ODLUKU O PRIVREMENOM FINANSIRANJU OPĆINE ZENICA ZA PERIOD JANUAR –MART 2012. GODINE

Član 1.

Ovom odlukom utvrđuje se iznos privremenog finansiranja općine Zenica za period januar – mart 2012. godine, do donošenja Budžeta za 2012. godinu.

Član 2.

Privremeno finansiranje općine Zenica za period iz člana 1. ove odluke utvrđuje se u iznosu od 8.800.000,00 KM (slovima: osammilionaosamstohiljada KM) i predstavlja ukupan prihod i rashod za period utvrđen u članu 1. ove odluke, a sastoji se od :

I PRIHODI

PRIHOD	IZNOS KM	% UČEŠĆA
Prihodi od poreza	5.300.000,00	60,23
- Direktni porezi	2.050.000,00	23,30
- Indirektni porezi	3.200.000,00	36,36
- Ostali porezi	50.000,00	0,57
Neporezni prihodi	3.100.000,00	35,23
- Prihodi od nefinansijskih javnih preduzeća i finansijskih javnih institucija	400.000,00	4,55
- Administrativne takse	150.000,00	1,70
- Komunalne takse	320.000,00	3,64
- Ostale budžetske naknade	1.800.000,00	20,45
- Posebne naknade i takse	300.000,00	3,41
- Prihodi od pružanja javnih usluga (prihodi od sopstvenih djelatnosti)	50.000,00	0,57
- Ostali neporezni prihodi	80.000,00	0,91

<i>Tekuće potpore (grantovi)</i>	<i>200.000,00</i>	<i>2,27</i>
<i>Primici</i>	<i>200.000,00</i>	<i>2,27</i>
U K U P N O	8.800.000,00	100,00

II RASHODI

RASHOD	IZNOS KM	% UČEŠĆA
Tekući rashodi	2.100.000,00	23,86
- Plaće i naknade troškova zaposlenih	1.500.000,00	17,04
- Doprinosi poslodavca i ostali doprinosi	150.000,00	1,70
- Izdaci za materijal i usluge	430.000,00	4,89
- Nabavka stalnih sredstava	20.000,00	0,23
Izdaci za posebne namjene	6.100.000,00	69,32
- Izdaci za materijal i usluge	3.500.000,00	39,77
- Tekući transferi	1.500.000,00	17,05
- Kapitalni transferi	515.000,00	5,85
- Izdaci za kamate i ostale naknade	30.000,00	0,34
- Nabavka stalnih sredstava	400.000,00	4,55
- Otplate dugova	155.000,00	1,76
Doznake	600.000,00	6,82
- Doznake nižim potrošačkim jedinicama za tekuće izdatke	600.000,00	6,82
U K U P N O	8.800.000,00	100,00

Član 3.

Kamate na domaće pozajmljivanje, kao i otplate domaćeg pozajmljivanja realizovat će se u skladu sa Ugovorom o dugoročnom kreditu zaključenim sa bankom i otplatnim planom.

Član 4.

Izdvajanja sredstava za grantove pojedincima i neprofitnim organizacijama i za transfere za rad javnih ustanova, javnih preduzeća i organizacija, vršit će se na osnovu odluka i drugih akata, koje na prijedlog nadležne službe donosi Načelnik općine.

Budžetski korisnici ne mogu započeti nove ili proširene programe i aktivnosti dok se ne donese Budžet općine Zenica za 2012.godinu.

Član 5.

Namjenske doznake sredstava od višeg nivoa vlasti (Federacija i Kanton) će se trošiti za namjene za koje su i odobrene, a u skladu sa Odlukom, zaključcima i drugim aktima, na osnovu kojih su i doznačena sredstva na račun Budžeta općine.

Član 6.

Vijeće općine će do isteka roka za privremeno finansiranje donijeti Budžet općine Zenica za 2012. godinu, u koji će biti inkorporirana ova odluka.

Član 7.

Ova odluka stupa na snagu danom objavljivanja u „Službenim novinama općine Zenica“, a primjenjivat će se od 01.01.2012. godine.

Broj:01-01-185/12
Zenica, 29. 12. 2011. godine

PREDSJEDAVAJUĆI
VIJEĆA OPĆINE
Nebojša Nikolić s.r.

2.

Na osnovu člana 40. stav 2. Zakona o vodama Zeničko-dobojskog kantona („Službene novine Zeničko-dobojskog kantona“, broj 17/07), člana 43. Pravilnika o uslovima za određivanje zona sanitarne zaštite i zaštitnih mjera za izvorišta voda koje se koriste ili planiraju da koriste za piće (Službene novine FBiH broj: 51/02“) i člana 116. Statuta općine Zenica (Službene novine općine Zenica broj: 4/08), Vijeće općine Zenica na 36. sjednici održanoj dana 29. decembra 2011. godine, d o n o s i

O D L U K U
O ZAŠTITI IZVORIŠTA PITKE VODE
„DŽULANOVO VRELO“

I OPĆE ODREDBE**Član 1.**

Ovom odlukom utvrđuju se zone sanitarne zaštite izvorišta pitke vode „Džulanovo vrelo“

(u daljem tekstu: Izvorište) u cilju osiguranja zaštite izvorišta od zagađenja ili drugih utjecaja koji mogu nepovoljno utjecati na zdravstvenu ispravnost vode ili njenu izdašnost, mjere i režimi zaštite, sanitarni i drugi uvjeti, nadzor nad sprovođenjem ove odluke, kaznene odredbe i druga pitanja od interesa za sprovođenje zaštite izvorišta.

Član 2.

Zone sanitarne zaštite određuju se prema Elaboratu o

zaštitnim zonama izvorišta „Džulanovo vrelo“, kojeg je augusta 2005. godine izradilo JP za Prostorno planiranje i uređenje grada „Zenica“ d.o.o. Zenica.

Član 3.

Utvrđivanje zona sanitarne zaštite i zaštitnih mjera vrši se u cilju zaštite voda izvorišta od svih vidova zagađenja i štetnih uticaja koji mogu nepovoljno djelovati na higijensku ispravnost vode za piće ili na izdašnost izvorišta.

Član 4.

Urbanističko uređenje prostora, građenje, privredne, poljoprivredne i druge djelatnosti mogu se vršiti samo na način i u mjeri koji su utvrđeni ovom odlukom.

Privredna društva i druga pravna lica, građani dužni su pridržavati se odredbi ove odluke i primjenjivati propisane mjere zaštite.

II ZONE SANITARNE ZAŠTITE I
ZAŠTITNE MJERE

Član 5.

U skladu sa Pravilnikom o uslovima za određivanje zona sanitarne zaštite i zaštitnih mjera za izvorišta voda koje se koriste ili planiraju da koriste za piće (Službene novine FBiH broj: 51/02) izvorište „Džulanovo vrelo“ predstavlja izvorište podzemnih voda u izdanima intergranularne poroznosti

Za izvorište „Džulanovo vrelo“ uspostavljaju se tri zaštitne zone:

- I zaštitna zona – zona najstrožijeg režima zaštite;
- II zaštitna zona – zona ograničenog režima zaštite;
- III zaštitna zona – zona blagog režima zaštite.

1. I ZAŠTITNA ZONA –ZONA NAJSTROŽIJEG
REŽIMA ZAŠTITE

Član 6.

Granice I zaštitne zone izvorišta pitke vode „Džulanovo vrelo“ određuju se u prečniku od 50 m od izvorišta. Formiranje ove granice ne može se izvesti na terenu, nego će se granice prilagoditi postojećim uslovima na terenu. I zaštitna zona će obuhvatiti čitavu zaravan oko izvorišta ostavljajući mogući prolaz pored potoka.

Član 7.

Na području I zaštitne zone, mogu se, uz primjenu potrebnih mjera zaštite, nalaziti vodozahvatni i infiltracioni objekti, rezervoari, pumpne stanice, trafostanice, administrativni objekti, prilazni i unutrašnji putevi i drugi objekti koji su neophodni za rad vodoprivrednog objekta za vodosnabdijevanje (u daljem tekstu: sistem za vodosnabdijevanje).

Član 8.

Područje I zaštitne zone, mora biti zaštićeno od neovlaštenog pristupa ogradom, kao i drugim potrebnim mjerama fizičke zaštite i osiguranja.

Pristup području I zaštitne zone, dozvoljen je samo licima koje odredi vlasnik, odnosno korisnik vodozahvatnog objekta i nadležnim inspekcijskim organima za vrijeme vršenja kontrole, kao i drugim licima uz posebnu dozvolu i evidenciju vlasnika, odnosno korisnika vodozahvatnog objekta.

Vlasnik, odnosno korisnik vodozahvatnog objekta mora na odgovarajući način obilježiti I zaštitnu zonu i istaći upozorenje o zabrani neovlaštenog pristupa.

Član 9.

Na području I zaštitne zone, zabranjuju se sve aktivnosti koje nisu u direktnoj vezi s normalnim radom i održavanjem sistema za vodosnabdijevanje. Aktivnosti koje se provode u cilju normalnog rada i održavanja sistema za vodosnabdijevanje ne smiju štetno djelovati na izvorište.

Izuzetno od stava 1. ovog člana dozvoljene su slijedeće aktivnosti:

1. uzgajanje trave, bez upotrebe đubriva i drugih agrotehničkih sredstava;
2. provođenje kanalizacije i drugih instalacija, koje služe za normalan rad objekata za vodosnabdijevanje, u kom slučaju je odgovarajućim projektnim i izvođačkim rješenjima potrebno osigurati da te instalacije ne mogu ugroziti izvorište.

2. II ZAŠTITNA ZONA – ZONA OGRANIČENOG REŽIMA ZAŠTITE

Član 10.

Područje II zaštitne zone obuhvata prostor od vanjske granice I zaštitne zone iz člana 6. ove odluke, do u krugu 180 m od izvorišta, odnosno do vanjske granice II zaštitne zone.

Član 11.

Na području II zaštitne zone izvorišta u intergranularnoj sredini zabranjeno je izvođenje radova, izgradnja objekata i obavljanje aktivnosti kojima se mogu zagaditi vode izvorišta, a naročito:

1. Izvođenje radova, izgradnja objekata i obavljanje aktivnosti iz člana 14. ove odluke;
2. Izgradnja novih naselja i izgradnja i rad kanalizacije, osim ako vodonepropusnost kanizacionih vodova nije obezbijedena i kontrolisana;
3. Izgradnja i nekontrolisan rad sportskih i rekreacionih

- objekata bez vodonepropusne kanalizacije;
4. Formiranje gradilišta i gradilišnih naselja bez sanitarija i vodonepropusne kanalizacije;
5. Izgradnja i eksploatacija izvorišta i bunara koji se ne koriste za javno vodosnabdijevanje;
6. Iskopi u vodonosnom sloju, osim u kratkom periodu i uz kontrolu kvaliteta podzemne vode;
7. Odlaganje svih vrsta čvrstog otpada i izgradnja deponija, uključujući sanitarne deponije;
8. Izgradnja i rad industrijskih i zanatskih pogona;
9. Izgradnja i rad željezničkih i ranžirnih stanica i terminala i autobuskih stanica, ukoliko nisu preduzete posebne mjere kojim se sprečava zagađivanje izvorišta;
10. Izgradnja i korištenje skladišta rastvorljivih materija opasnih i štetnih za vodu;
11. Izgradnja i rad stočnih i peradarskih farmi, osim uzgoja do 10 grla krupne stoke i peradi u individualnim domaćinstvima za vlastite potrebe ako je izgrađena i pravilno radi vodonepropusna kanalizacija, odnosno vodonepropusne septičke jame;
12. Izgradnja i eksploatacija cjevovoda za transport hemikalija, tečnih goriva, maziva i drugih opasnih tečnosti;
13. Cestovni transport hemikalija, tečnih goriva, maziva i drugih opasnih materija;
14. Izvođenje istražnih bušotina za naftu, zemni plin i druge opasne i štetne materije, kao i za mineralnu vodu;
15. Eksploatacija mineralnih sirovina;
16. Eksploatacija šljunka;
17. Izgradnja i rad industrijskih i zanatskih pogona s nečistom tehnologijom, koji ispuštaju radioaktivne ili druge za vodu štetne i opasne materije (nuklearni reaktori, petrohemijska industrija, metalopreradački pogoni, hemijske tvornice, kožarska industrija i drugo);
18. Prerada, manipulacija i skladištenje hemikalija, tečnih goriva, maziva i drugih opasnih i štetnih materija određenih podzakonskim aktom iz člana 121. stav 4. Zakona o vodama;
19. Privredne i druge aktivnosti kojima se narušava prirodni režim infiltracije, odnosno prihranjivanja podzemnih voda izvorišta, ukoliko se posebnim mjerama ne obezbijedi vještačko prihranjivanje u količini dovoljnoj za nadoknađivanje izgubljene infiltracije i
20. Druge aktivnosti za koje se utvrdi da mogu imati negativne posljedice za izvorište.

Član 12.

Na području II zaštitne zone mogu ostati već postojeći stambeni objekti kao i individualni objekti za uzgoj stoke i peradi koji se nalaze uz ove stambene objekte.

Na objektima iz prethodnog stava dozvoljeni su radovi usmjereni na tekuće održavanje, a u skladu sa uslovima definiranim aktom o građenju, izdatim od strane nadležnog organa.

Sanitarne otpadne vode iz objekata na području II zaštitne zone iz stava 1. ovog člana moraju se prikupljati i transportovati propisno projektovanim i izvedenim kanalizacionim sistemom. Kanalizacioni sistem mora biti vodonepropustan na području II zaštitne zone.

U slučajevima kada se ne vrši prečišćavanje prikupljenih otpadnih voda iz prethodnog stava ovog člana, sanitarne otpadne vode moraju se ispustiti izvan područja I, II i III zaštitne zone izvorišta „Džulanovo vrelo“.

3. III ZAŠTITNA ZONA – ZONA BLAGOG REŽIMA ZAŠTITE

Član 13.

Područje III zaštitne zone izvorišta obuhvata prostor od vanjske granice II zaštitne zone iz člana 10. ove odluke do hidrogeološke vododjelnice određene pri uslovima eksploatacije izvorišta što predstavlja vanjsku granicu III zaštitne zone.

Treća zaštitna zona počinje nizvodno na 180 m od kaptaze i penje se do stalne tačke br. 124 (747,7 m.n.m.), dalje se spušta niz Gradac i ide granicama deponije i penje se do kote 644,40 m.n.m. i dalje ide prevojem ka tački 781,00 m.n.m. (u blizini stalne tačke 83), ide dalje i spušta se do puta za selo Lazine, ide putem sve do kote 848,80 m.n.m., gdje se penje do stalne tačke 354 (917,4 m.n.m.), ide dalje niz Đulanovo brdo do Površča i stalne tačke 201 (844,4 m.n.m.), dalje se spušta do platoa iznad Čauševića i odatle ide padinom do predjela Žutice i kote 893,00 m.n.m., trasa dalje ide prostorom Krčevina i kote 969,80 m.n.m., te dalje prema stalnoj tački 222 (989,20 m.n.m.), trasa se spušta niz padinu do kote 940,90 m.n.m., te prema Hrastiću, Zamenicama, te putem se spušta niz Crvenu kosu do početne tačke koja je udaljena 180 metara od izvorišta.

Član 14.

Na području III zaštitne zone, zabranjeno je izvođenje radova, izgradnja objekata i obavljanje aktivnosti kojima se mogu zagaditi vode izvorišta, a naročito:

1. Izgradnja i rad uređaja za prečišćavanje otpadnih voda i uređaja za spaljivanje čvrstog otpada;
2. Direktno ili indirektno ispuštanje prečišćenih otpadnih voda na tlo;
3. Izgradnja i eksploatacija cjevovoda za transport hemikalija, tečnih goriva, maziva i drugih opasnih tečnosti, ukoliko nisu preduzete posebne mjere kojim se sprečava infiltracija ovih tečnosti u podzemnu vodu;
4. Prerada, manipulacija i skladištenje hemikalija, tečnih goriva, maziva i drugih opasnih i štetnih materija određenih podzakonskim aktom iz člana 121. stav 4. Zakona o vodama;
5. Izvođenje istražnih bušotina za naftu, zemni plin i druge opasne i štetne materije, kao i mineralnu vodu, ukoliko nisu preduzete posebne mjere kojim se sprečava infil-

tracija ili izlivanje ovih materija u podzemnu vodu, tj. komunikacija horizon(a)ta s mineralnom sirovinom i vodonosnog horizonta izvorišta;

6. Otvoreno uskladištenje i primjena hemijskih sredstava opasnih i štetnih za vodu, koja se koriste za zaštitu i rast bilja i za uništenje korova;
7. Izgradnja i rad stočnih i peradarskih farmi, ukoliko nisu preduzete posebne mjere kojim se sprečava zagađivanje podzemnih voda;
8. Izgradnja i korištenje poletno-sletnih staza, sigurnosnih površina i površina za prisilno slijetanje u zračnom saobraćaju;
9. Izgradnja i korištenje manevarskih i vojnih poligona;
10. Odlaganje svih vrsta čvrstog otpada izvan sanitarnih deponija;
11. Izgradnja novih grobalja i proširenje i korištenje postojećih;
12. Eksploatacija mineralnih sirovina, osim ako se utvrdi da se tom aktivnošću ne ugrožava kvalitet podzemne vode na izvorištu;
13. Eksploatacija šljunka, osim iz posebno kontroliranih i zaštićenih šljunkara;
14. Izgradnja i rad industrijskih i zanatskih pogona sa nečistom tehnologijom, koji ispuštaju radioaktivne ili druge za vodu štetne i opasne materije (nuklearni reaktori, petrohemijska industrija, metaloprerađivački pogoni, hemijske tvornice, kožarska industrija i drugo);
15. Privredne i druge aktivnosti kojima se narušava prirodni režim infiltracije, odnosno prihranjivanja podzemnih voda izvorišta, ukoliko se posebnim mjerama ne obezbijedi vještačko prihranjivanje u količini dovoljnoj za nadoknađivanje izgubljene infiltracije;
16. Cestovni transport hemikalija, tečnih goriva, maziva i drugih opasnih materija, bez provedenih mjera zaštite podzemnih voda i odobrenja i pratnje službi ministarstvu unutrašnjih poslova i
17. Druge aktivnosti za koje se utvrdi da mogu imati negativne posljedice za izvorište.

III MJERE ZAŠTITE

Član 15.

U I ZONI zaštita se ostvaruje :

- postavljanjem zaštitne ograde od bodljikave žice s betonskim stubovima minimalno visine 1,70 m i sa 7 redova bodljikave žice oko kaptaze i to: nizvodno od kaptaze u prečniku od 20 m, a uzvodno 10 m,
- obaveznom obilježavanjem uže zaštitne zone sa većim tablama „Pristup nezaposlenim licima strogo zabranjen“ ili „Uža zaštitna zona izvorišta“
- izradom obodnih odvodnih kanala uzvodno na padini za zaštitu izvorišta i objekata na izvorištu,

- čišćenjem terena i sijanjem trave, rastinja i plitkog korijenja pri čemu je zabranjena upotreba umjetnog i prirodnog đubriva i hemijskih sredstva.

U II ZONI potrebno je poduzeti slijedeće mjere zaštite:

- izvršiti regulaciju svih lokalnih potoka,
- zabraniti sječu šume u neposrednoj blizini i čitavom slivu Džulanovog vrela,
- izvršiti odvodnju sa svih lokalnih saobraćajnica,
- izbjegavati upotrebu vještačkog đubriva na svim privatnim parcelama.

U III ZONI potrebno je poduzeti slijedeće mjere zaštite :

- izvršiti zaštitu šume u cijelom području,
- izvršiti sadnju nove mlade šume gdje je potrebno.

Sprovođenje mjera zaštite dužni su sprovesti vlasnici odnosno korisnici vodvoda Džulanovog vrela, na način da odbor za održavanje vodovoda ovlasti lica koja smiju ulaziti u prostor uže zaštitne zone izvorišta.

Kontrola mjera zaštite podrazumijeva odgovarajuće praćenje kvaliteta vode na izvorištu i ugroženim tačkama, lokalitetima na slivu, kao i posebnu kontrolu aktivnosti koje nisu u skladu sa uslovima propisanim ovom odlukom.

IV NADZOR NAD SPROVOĐENJEM OVE ODLUKE

Član 16.

Općinska služba za komunalne poslove i ekologiju vrši upravni nadzor nad sprovođenjem ove odluke.

Član 17.

Inspeksijski nadzor nad provođenjem ove odluke odnosno nad provođenjem režima i mjera zaštite propisanih ovom odlukom vrše nadležni inspeksijski organi u skladu s važećim propisima.

V KAZNENE ODREDBE

Član 18.

Novčanom kaznom od 1.000 do 5.000 KM kaznit će se za prekršaj pravno lice

1. Ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 9. i 11. ove odluke;
2. Ako ne postupi u skladu sa čl. 8. ove odluke;
3. Ako ne izvrši ili neblagovremeno izvrši radnje iz čl. 21. i 22. ove odluke.

Za prekršaj iz stava 1. ovog člana kaznit će se i odgo-

vorno lice u pravnom licu novčanom kaznom u iznosu od 100 do 1.000 KM.

Član 19.

Novčanom kaznom od 100 do 500 KM kaznit će se za prekršaj fizičko lice :

1. Ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 9. i 11. ove odluke;
2. Ako ne izvrši ili neblagovremeno izvrši radnje iz člana 12. ove odluke.

VI PRELAZNE I ZAVRŠNE ODREDBE

Član 20.

Sastavni dio odluke su grafički prilozi na kojima su prikazane zone sanitarne zaštite izvorišta.

Član 21.

Na području I, II, III zaštitne zone izvršit će se uređenje prostora i provođenje zaštitnih mjera u skladu sa ovom odlukom i Elaboratom o zaštiti izvorišta „Džulanovo vrelo“ u roku od tri godine od dana njenog donošenja.

Član 22.

Donosioci planskih dokumenata (vodoprivredna osnova, šumsko-privredna osnova) dužni su iste uskladiti sa odredbama ove odluke u roku od 6 mjeseci od dana njenog donošenja.

Član 23

Ova odluka stupa na snagu osmog dana od dana objavljivanja u Službenim novinama općine Zenica

Broj: 01-01-186/12
Zenica, 29. 12. 2011. godine

PREDSJEDAVAJUĆI
VIJEĆA OPĆINE ZENICA
Nebojša Nikolić s.r.

3.

Na osnovu člana 37. stav 3. Zakona o prostornom uređenju („Sl. novine Zeničko-dobojskog kantona“, broj 2/04 i 2/08) i člana 22. tačka 5. Statuta općine Zenica („Sl. novine općine Zenica“, broj 4/08) Vijeće općine Zenica na 36. sjednici održanoj 29.12.2011.godine donosi

O D L U K U o upućivanju Nacrta Regulacionog plana „Centar I“ na javnu raspravu

Član 1.

Upućuje se na javnu raspravu Nacrt Regulacionog

plana „Centar I“, stambeno-poslovna zona sa sadržajima centralnih funkcija.

Član 2.

Nosioci organizovanja javne rasprave su Služba za prostorno uređenje, Zavod za urbanizam i prostorno uređenje Zenica i Stručna služba vijeća i Načelnika – Odsjek za poslove MZ.

Član 3.

Javna rasprava trajeće 30 dana od dana donošenja ove Odluke.

Član 4.

Javna rasprava će se voditi putem programa javne rasprave.

Program javne rasprave će izraditi Služba za prostorno uređenje i Stručna služba vijeća i Načelnika – Odsjek za poslove MZ.

Program javne rasprave naročito sadrži:

- prezentiranje plana javnosti,
- održavanje skupova u mjesnoj zajednici,
- način prikupljanja mišljenja i prijedloga u vezi plana,
- rokove za pojedine postupke.

Član 5.

Istekom roka za javnu raspravu Nosilac pripreme plana – Služba za prostorno uređenje će sa Nosiocem izrade plana – Zavod za urbanizam i prostorno uređenje Zenica sumirati dostavljene primjedbe i prijedloge u roku od 30 dana i dostaviti Prijedlog plana Vijeću općine Zenica uz obrazloženje na sve prijedoge i mišljenja prikupljena u toku javne rasprave na Nacrt plana koja nisu mogla biti usvojena.

Član 6.

Ova Odluka stupa na snagu danom donošenja, a biće objavljena u „Službenim novinama općine Zenica“.

Broj: 01-01-183/12
Zenica, 29. 12. 2011.godine

PREDSJEDAVAJUĆI
VIJEĆA OPĆINE ZENICA
Nebojša Nikolić s.r.

4.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08), člana 12. Odluke o organizaciji mjesne samouprave («Službene novine općine Zenica», broj:1/10) i člana 37. Poslovnika Vijeća općine («Službene novine općine Zenica», broj:

2/10) Vijeće općine Zenica na 36. sjednici održanoj 29. decembra 2011. godine, donijelo je

ODLUKU

o dodjeli mandata kandidatima za predsjednika i člana Savjeta MZ «Bistrica»

Član 1.

Jusić Seadu dodjeljuje se mandat predsjednika Savjeta u MZ «Bistrica», zbog promjene mjesta boravišta *Ćosić Benarisa* dosadašnjeg predsjednika Savjeta MZ «Bistrica».

Član 2.

Oruč Aliji dodjeljuje se mandat člana Savjeta MZ «Bistrica» kao sljedećem po broju glasova sa liste za izbor Savjeta.

Član 3.

Ova odluka stupa na snagu danom donošenja i objaviće u «Službenim novinama općine Zenica».

Broj: 01-01-188/12
Zenica, 29. decembar 2011. godine

PREDSJEDAVAJUĆI
VIJEĆA OPĆINE ZENICA
Nebojša Nikolić s.r.

NAČELNIK OPĆINE

5.

Na osnovu člana 36. tačka 6. Statuta općine Zenica («Službene novine općine Zenica», broj 4/08) i člana 15. i 16. Odluke o organizaciji općinske uprave («Službene novine općine Zenica», broj 3/02 – prečišćen tekst, 4/04 i 1/05), Načelnik općine Zenica, na prijedlog Službe za prostorno uređenje, donosi

ZAKLJUČAK

o ispravci tehničke greške u Pravilniku o unutrašnjoj organizaciji općinskih službi

I

U Pravilniku o unutrašnjoj organizaciji općinskih službi broj: 02-34-023198/06 od 15.12.2006. godine («Službene novine općine Zenica», broj 2/07) u članu 24. naslova „SLUŽBA ZA PROSTORNO UREĐENJE“ u tački 11. „Viši stručni saradnik za poslove upravnog rješavanja“, vrši se ispravka tehničke greške u broju, tako da umjesto teksta:

«Broj izvršilaca 2»
treba da stoji tekst:
«Broj izvršilaca 3»

II

Ovaj zaključak stupa na snagu danom donošenja a objavit će se u «Službenim novinama općine Zenica».

Broj: 02-49-22822/11
Zenica, 21.12.2011. godine

NAČELNIK OPĆINE
Husejin Smajlović

6.

Na osnovu člana 36. tačka 6. Statuta općine Zenica ("Službene novine općine Zenica" br. 4/08) i člana 14. Odluke o izvršavanju Budžeta općine Zenica za 2011. godinu ("Službene novine općine Zenica" br. 3/11), a na prijedlog Službe za budžet i finansije, Načelnik Općine Zenica, donosi

ZAKLJUČAK

o uvećanju sredstava u Budžetu općine Zenica za 2011. godinu

I

Odobrava se uvećanje sredstava u Budžetu općine Zenica za 2011. godinu ("Službene novine općine Zenica" br. 3/11) u iznosu od 200.000,00 KM u Razdjelu 16. budžetska organizacija 01; potrošačka jedinica 0001 – Služba za komunalne poslove i ekologiju.

II

Uvećanje sredstava u Budžetu općine Zenica za 2011. godinu u iznosu od 200.000,00 KM, vrši se na sljedeći način:

a) u dijelu A- 2. PRIHODI I PRIMICI:

- u glavnoj grupi 732100-Primljeni tekući transferi od ostalih nivoa vlasti, ekonomski kod 732112-Primljeni tekući transferi od Federacije, uvećavaju se za iznos od 200.000,00 KM.

Nakon uvećanja UKUPNI PRIHODI budžeta iznose 39.915.000,00 KM.

b) u dijelu B. RASHODI – IZDACI:

- u Razdjelu 16. budžetska organizacija 01; potrošačka jedinica 0001 – Služba za komunalne poslove i ekologiju, pozicija 01-1210-613700-93-Izdaci za tekuće održavanje-putna mreža uvećava se za iznos od 200.000,00 KM.

Nakon uvećanja UKUPNI RASHODI budžeta iznose 39.915.000,00 KM.

III

Sredstva u iznosu od 200.000,00 KM utrošiti će se za implementaciju projekta Rekonstrukcija Lokalne ceste za

selo Obrenovci/Općina Zenica, odobrenog Odlukom Vlade FBiH o usvajanju Liste projekata magistralnih, regionalnih i lokalnih cesta finansirane iz preostalih sredstava naplaćenih izdavanjem GSM licence za 2009. g. i dijela sredstava naplaćenih za izdavanje GSM licence za 2010. g. za Federaciju Bosne i Hercegovine („Službene novine FBiH“ broj: 64 od 06.10.2010. g.).

Saglasnost za implementaciju projekta iz Liste Projekta dalo je Federalno ministarstvo prometa i komunikacija.

IV

Za realizaciju ovog Zaključka zadužuju se Služba za budžet i finansije i Služba za komunalne poslove i ekologiju.

V

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-23267/11
Zenica, 28.12.2011.g.

NAČELNIK OPĆINE
Husejin Smajlović

7.

Na osnovu člana 33. Zakona o Budžetima u Federaciji BiH (Službene novine Federacije BiH", broj 19/06, 76/08, 5/09, 32/09, 51/09, 09/10, 36/10, 45/10) i člana 17. Odluke o izvršavanju Budžeta općine Zenica za 2011. godine ("Službene novine općine Zenica", 3/11), na prijedlog Službe za boračko invalidsku zaštitu Načelnik općine Zenica, d o n o s i :

ZAKLJUČAK

o unutrašnjem prestrukturiranju sredstava Budžeta općine Zenica za 2011. godinu u razdjelu broj 19. budžetska organizacija 01: potrošačka jedinica 0001 u Službi za boračko invalidsku zaštitu

I

Odobrava se unutrašnje prestrukturiranje sredstava Budžeta općine Zenica za 2011.godinu ("Službene novine općine Zenica" 3/11.) u Razdjelu broj 19. budžetska organizacija 01; potrošačka jedinica 0001 u Službi za boračko invalidsku zaštitu.

II

Unutrašnje prestrukturiranje sredstava u Budžetu općine Zenica za 2011. godinu u Razdjelu 19.P.J.. Služba za boračko invalidsku zaštitu vrši se na sljedeći način:

UMANJUJE SE POZICIJA:

- Ekonomski kod 614 200 -201 Tekući transferi po-

jedincima za iznos od 5.000,00 KM

POVEĆAVA SE POZICIJA:

- Ekonomski kod 614 300 -202 Tekući transfer za finansiranje programa i projekata udruženja i organizacije boračkih populacija za iznos od 5.000,00 KM

III

Za realizaciju ovog Zaključka zadužuje se Služba za boračko invalidsku zaštitu i Služba za budžet i finansije.

IV

Ovaj Zaključak stupa na snagu danom donošenja, a objavit će se u Službenim novinama općine Zenica .

Broj: 02-14-22283/11

Zenica, 7. decembar. 2011. godine

NAČELNIK OPĆINE

Husejin Smajlović

8.

Na osnovu člana 33. Zakona o budžetima u Federaciji Bosne i Hercegovine ("Službene novine Federacije BiH" broj: 19/06, 76/08, 5/09, 32/09, 51/09, 9/10, 36/10, 45/10), i člana 17. Odluke o izvršavanju Budžeta općine Zenica za 2011. godinu ("Službene novine općine Zenica" broj:3/11), na prijedlog Službe za komunalne poslove i ekologiju, Načelnik općine Zenica, **d o n o s i**

ZAKLJUČAK

o unutrašnjoj preraspodjeli sredstava iz Budžeta općine Zenica za 2011. godinu u Službi za komunalne poslove i ekologiju

I

Odobrava se unutrašnja preraspodjela sredstava u Budžetu općine Zenica za 2011. godinu ("Službene novine općine Zenica" broj:3/11) u Službi za komunalne poslove i ekologiju.

II

Unutrašnja preraspodjela sredstava u Budžetu općine Zenica za 2011. godinu u Službi za komunalne poslove i ekologiju vrši se na slijedeći način:

UMANJUJU SE POZICIJE:

- ekonomski kod 613 300 -91 „Izdaci za komunalne usluge (održavanje komunalne higijene grada, deponija komunalnog otpada, kišne kanalizacije, gradskih grobalja i gradskih fontana“ za iznos 80.000,00KM;
- ekonomski kod 613 700 - 95 „Izdaci za tekuće odr-

žavanje - vodovodna i kanalizaciona mreža u MZ“ za iznos 38.500,00KM;

- ekonomski kod 613 900 -100 „Ostale ugovorene usluge (higijenski servis, kastracija i sterilizacija pasa lotalica)“ za iznos 20.000,00KM;
- ekonomski kod 615 300 -104 „Kapitalni transferi neprofitnim organizacijama“ za iznos 4.000,00KM;
- ekonomski kod 613 300 -108 „Izdaci za komunalne usluge (deponija Side, čišćenje riječnih korita i zbrinjavanje animalnog otpada“ za iznos 50.000,00KM;
- ekonomski kod 613 900 -109 „Ugovorene i druge posebne usluge (mjerenje zagađenosti zraka)“ za iznos 20.000,00KM;

Ukupno umanjenje: 212.500,00KM

POVEĆAVAJU SE POZICIJE:

- ekonomski kod 613 200 -90 „Utrošak električne energije-javna rasvjeta“ za iznos 70.000,00KM;
- ekonomski kod 613 900 -98 „Izrada projektne dokumentacije“ za iznos 100.000,00KM;
- ekonomski kod 615 100 -103 „Kapitalni transferi drugim nivoima vlade“ za iznos 42.500,00KM;

Ukupno povećanje: 212.500,00KM

III

Za realizaciju ovog Zaključka zadužuju se: Služba za budžet i finansije i Služba za komunalne poslove i ekologiju.

IV

Ovaj Zaključak stupa na snagu danom donošenja i objavit će se u "Službenim novinama općine Zenica".

Broj: 02-14-22351/11

Zenica, 08.12.2011. godine

NAČELNIK OPĆINE

Husejin Smajlović

9.

Na osnovu člana 33. Zakona o budžetima u Federaciji Bosne i Hercegovine ("Službene novine Federacije BiH" broj:19/06, 76/08, 5/09, 32/09, 51/09, 9/10, 36/10, 45/10), i člana 17. Odluke o izvršavanju Budžeta općine Zenica za 2011. godinu ("Službene novine općine Zenica" broj:3/11), na prijedlog Službe za komunalne poslove i ekologiju, Načelnik općine Zenica, **d o n o s i**

ZAKLJUČAK

o unutrašnjoj preraspodjeli sredstava iz Budžeta općine Zenica za 2011. godinu u Službi za komunalne poslove i ekologiju

I

Odobrava se unutrašnja preraspodjela sredstava u Budžetu općine Zenica za 2011. godinu ("Službene novine općine Ze-

nica” broj: 3/11) u Službi za komunalne poslove i ekologiju.

II

Unutrašnja preraspodjela sredstava u Budžetu općine Zenica za 2011. godinu u Službi za komunalne poslove i ekologiju vrši se na sljedeći način:

UMANJUJE SE POZICIJA:

- ekonomski kod **821 300 - 110** „Sredstva po Programu utroška sredstava Fonda za ekologiju” – Nabavka opreme (instrumenti za mjerenje kvalitete zraka) za iznos 2.000,00 KM;

Ukupno umanjenje: 2.000,00KM

OTVARA SE NOVA POZICIJA:

- otvara se nova pozicija “Unajmljivanje imovine, opreme i nematerijalne imovine” ekonomski kod **613 600 – 92 A** za iznos 2.000,00 KM;

Ukupno povećanje: 2.000,00KM

III

Za realizaciju ovog Zaključka zadužuju se: Služba za budžet i finansije i Služba za komunalne poslove i ekologiju.

IV

Ovaj Zaključak stupa na snagu danom donošenja i objavit će se u “Službenim novinama općine Zenica”.

Broj: 02-14-23002/11
Zenica, 22.12.2011. godine

NAČELNIK OPĆINE
Husejin Smajlović

10.

Na osnovu člana 33. Zakona o budžetima u Federaciji Bosne i Hercegovine („Službene novine Federacije BiH“ broj: 19/06, 76/08, 5/09, 32/09, 51/09, 9/10, 36/10 i 45/10) i člana 17. Odluke o izvršavanju budžeta općine Zenica, („Službene novine općine Zenica“ broj 3/11), a na prijedlog Službe za zajedničke poslove, Načelnik općine Zenica d o n o s i

ZAKLJUČAK

o unutrašnjoj preraspodjeli sredstava iz Budžeta općine Zenica za 2011.godinu u Razdjelu 21- Služba za zajedničke poslove

I

Odobrava se unutrašnja preraspodjela sredstava u Budžetu općine Zenica za 2011. godinu („Službene novine općine Zenica“ broj: 3/11), Služba za zajedničke poslove, Razdjel 21; -Budžetska organizacija 01; Potrošačka jedinica 0001.

II

Unutrašnja preraspodjela sredstava u Budžetu općine Zenica za 2011. godinu u Službi za zajedničke poslove, Razdjel 21; -Budžetska organizacija 01; Potrošačka jedinica 0001 vrši se na sljedeći način:

Umanjuju se pozicije:

- Ekonomski kod 613400-225 „Nabavka materijala i sitnog inventara“, za iznos od..... 500,00 KM,
- Ekonomski kod 611200-228 „Naknada troškova zaposlenih“, za iznos od 1.000,00 KM

Ukupno umanjenje 1.500,00 KM

Povećavaju se pozicije

- Ekonomski kod 613700-226 „Izdaci za tekuće održavanje“ za iznos od 500,00 KM.
- Ekonomski kod 613700-234 „Izdaci za tekuće održavanje“ za iznos od 1.000,00 KM

Ukupno povećanje 1.500,00 KM

III

Za realizaciju ovog Zaključka zadužuju se Služba za zajedničke poslove i Služba za budžet i finansije

IV

Ovaj Zaključak stupa na snagu danom donošenja i objavit će se u „Službenim novinama općine Zenica“.

Broj: 02-14-23182/11
Zenica, 23.12. 2011. godine

NAČELNIK OPĆINE
Husejin Smajlović

11.

Na osnovu člana 33. Zakona o budžetima u Federaciji Bosne i Hercegovine («Službene novine Federacije BiH», broj:19/06, 76/08, 5/09, 32/09, 51/09, 09/10, 36/10, 45/10) i člana 17. Odluke o izvršavanju Budžeta općine Zenica za 2011. godinu («Službene novine općine Zenica», broj: 3/11), a na prijedlog Službe za opću upravu i stambene poslove, Načelnik općine Zenica, donosi :

ZAKLJUČAK

o unutrašnjoj preraspodjeli sredstava iz Budžeta općine Zenica za 2011. godinu u Službi za opću upravu i stambene poslove, Razdjel 17, budžetska organizacija 01 potrošačka jedinica 0001

I

Odobrava se unutrašnja preraspodjela sredstava u Budžetu općine Zenica za 2011. godinu, («Službene novine općine Zenica» broj: 3/11) u Službi za opću upravu i stambene poslove Razdjel 17, budžetska organizacija 01, potrošačka jedinica 0001.

II

Unutrašnja preraspodjela sredstava u Budžetu općine Zenica za 2011. godinu u Službi za opću upravu i stambene poslove Razdjel 17, budžetska organizacija 01, potrošačka jedinica 0001, vrši se na sljedeći način:

UMANJUJE SE POZICIJA:

Ekonomski kod 613700 – 121 Izdaci za tekuće održavanje Za iznos od 3.000,00 KM

POVEĆAVA SE POZICIJA:

Ekonomski kod 613900 – 118 Ugovorene i druge posebne usluge (vođenje matične evidencije stanova i štam. usl.za službu) Za iznos od 3.000,00 KM

III

Za realizaciju Zaključka zadužuje se Služba za budžet i finansije i Služba za opću upravu i stambene poslove.

IV

Ovaj Zaključak stupa na snagu danom donošenja, a objavit će se u Službenim novinama općine Zenica.

Broj: 02-14-23103/11

Zenica, 23.12.2011. godine.

NAČELNIK OPĆINE
Husejin Smajlović

12.

Na osnovu člana 33. Zakona o budžetima u Federaciji Bosne i Hercegovine („Službene novine Federacije BiH“, broj: 19/06, 76/08, 5/09, 32/09, 51/09, 09/10, 36/10, 45/10) i člana 17. Odluke o izvršavanju Budžeta općine Zenica za 2011. godinu („Službene novine općine Zenica“, broj: 3/11), a po prijedlogu Službe za budžet i finansije i Službe civilne zaštite, Načelnik općine Zenica, donosi

ZAKLJUČAK

o unutrašnjoj preraspodjeli sredstava iz Budžeta općine Zenica za 2011. godinu u Razdjelu broj 12 budžetska organizacija 01; potrošačka jedinica 0001, Služba civilne zaštite

I

Odobrava se unutrašnja preraspodjela sredstava u Budžetu općine Zenica za 2011. godinu, („Službene novine općine Zenica“, broj: 3/11), u Razdjelu 12; budžetska organizacija 01; potrošačka jedinica 0001, Služba civilne zaštite.

II

Unutrašnja preraspodjela sredstava u Budžetu općine Zenica za 2011. godinu u razdjelu 12; budžetska organizacija 01; potrošačka jedinica 0001, vrši se na sljedeći način:

UMANJUJE SE POZICIJE:

- Ekonomski kod 613300-38 Izdaci za komunalne usluge Za iznos od 2.000,00 KM;
- Ekonomski kod 613400-39 Nabavka materijala Za iznos od 90.000,00 KM;
- Ekonomski kod 613700-40 Izdaci za tekuće održavanje Za iznos od 263.000,00 KM;
- Ekonomski kod 613900-41 Ugovorene i druge posebne usluge Za iznos od 80.000,00 KM;
- Ekonomski kod 614200-42 Tekući transfer pojedincima Za iznos od 5.000,00 KM;
- Ekonomski kod 614300-43 Tekući transferi neprofitnim organizacijama Za iznos od 20.000,00 KM;
- Ekonomski kod 821300-44 Nabavka opreme Za iznos od 500.000,00 KM.

U K U P N O: 960.000,00 KM.

OTVARA SE NOVA POZICIJA:

- Ekonomski kod 614100-44a Tekući transferi drugim nivoima vlasti (prenos sredstava na poseban namjenski račun) Na iznos od 960.000,00KM

III

Za realizaciju Zaključka zadužuju se Služba za budžet i finansije i Služba civilne zaštite.

IV

Ovaj Zaključak stupa na snagu danom donošenja, a objavit će se u „Službenim novinama općine Zenica“.

Broj:02-14-23343/11

Zenica,28.12.2011. godine.

NAČELNIK OPĆINE
Husejin Smajlović

13.

Na osnovu člana 33. Zakona o budžetima u Federaciji Bosne i Hercegovine („Službene novine Federacije BiH“, broj: 19/06, 76/08, 5/09, 31/09, 51/09, 09/10, 36/10, 45/10), i člana 17. Odluke o izvršavanju Budžeta općine Zenica za 2011.godinu („Službene novine općine Zenica“, broj 3/11), a na prijedlog Službe za budžet i finansije i Službe za društvene djelatnosti i socijalnu zaštitu, Načelnik općine **donosi:**

ZAKLJUČAK

o unutrašnjoj preraspodjeli sredstava iz Budžeta općine Zenica za 2011. godinu u Razdjelu 18. Službe za društvene djelatnosti i socijalnu zaštitu i JU Centar za socijalni rad Zenica

I

Odobrava se unutrašnja preraspodjela sredstava u Budžetu općine Zenica za 2011. godinu ("Službene novine Općine Zenica" broj 3/11) u Razdjelu 18; BO 01; PJ 0001; Službe za društvene djelatnosti i socijalnu zaštitu i PJ 0002 JU Centar za socijalni rad Zenica.

II

Unutrašnja preraspodjela sredstava u Budžetu općine Zenica za 2011. godinu u Razdjelu 18. BO 01. PJ 0001. Službe za društvene djelatnosti i socijalnu zaštitu, vrši se na slijedeći način:

Umanjuju se pozicije:

ekonomski kod 613200-130

Troškovi grijanja za ustanove po ugovoru sa JP «Grijanje» i troškovi električne energije kampova

za iznos od 43.000,00 KM

ekonomski kod 613900-134

Izdaci za deratizaciju i

mrtvozorstvo

za iznos od 10.000,00 KM

ekonomski kod 614300-141

Tekući transferi za kulturu

za iznos od 45.000,00 KM

ekonomski kod 614300-144

Tekući transferi za zdravstvo

za iznos od 22.000,00 KM

ekonomski kod 614300-149

Programi i projekti iz oblasti zdravstva

za iznos od 2.000,00 KM

ekonomski kod 614300-155

Realizacija strategije za mlade

za iznos od 6.000,00 KM

ekonomski kod 615300-167

Adaptacija i rekonstrukcija

škola-hitne intervencije

za iznos od 20.000,00 KM

ekonomski kod 615300-168

Obnova kulturno-historijskog nasljeđa

za iznos od 39.000,00 KM

ekonomski kod 821200-171

Nabavka građevine - Šahovski dom za iznos od 30.000,00 KM

UKUPNO: 217.000,00 KM

Povećavaju se pozicije:

ekonomski kod 613700-128

Izdaci za tekuće održavanje

za iznos od 500,00 KM

ekonomski kod 613500-132

Troškovi prijevoza đaka i

ostalih socijalno ugroženih lica

za iznos od 35.000,00 KM

ekonomski kod 614200-136

Tekući transferi pojedincima (gradska kuhinja, alter.

smještaj, pomoć za liječenje,

školoavanje i dr.)

za iznos od 95.000,00 KM

ekonomski kod 614300-152

Finansiranje društava i udruženja u oblasti socijalne zaštite

za iznos od 1.500,00 KM

ekonomski kod 821200-170

Učešće općine u izgradnji

stambenih objekata za

porodice u stanju soc. potrebe

(Brist i Kanal "92")

za iznos od 85.000,00 KM

UKUPNO: 217.000,00 KM

Unutrašnja preraspodjela sredstava u Budžetu općine Zenica za 2011. godinu u Razdjelu 18. BO 01. PJ 0002 JU Centar za socijalni rad, vrši se na slijedeći način:

Umanjuje se pozicija:

ekonomski kod 681330-178

Izdaci za komunalne usluge

za iznos od

4.500,00 KM

Povećava se pozicija:

ekonomski kod 681200-175

Doprinosi poslodavca

za iznos od

4.500,00 KM

III

Za realizaciju ovog Zaključka zadužuje se Služba za budžet i finansije i Služba za društvene djelatnosti i socijalnu zaštitu.

IV

Ovaj zaključak stupa na snagu danom donošenja, a objavit će se u «Službenim novinama općine Zenica».

Broj:02- 14-23393 /11

Zenica, 29.12.2011. godine

NAČELNIK OPĆINE

Husejin Smajlović

JP VODOVOD I KANALIZACIJA d.o.o. Zenica**14.**

Na osnovu člana 20. Odluke o usklađivanju statusa Javnog preduzeća «Vodovod i kanalizacija» Zenica sa Zakonom o privrednim društvima i Zakonom o javnim preduzećima («Službene novine općine Zenica», br.2/06), člana 2. Odluke o dopuni Odluke usklađivanju statusa Javnog preduzeća «Vodovod i kanalizacija» Zenica sa Zakonom o privrednim društvima i Zakonom o javnim preduzećima broj: 01-49-15412/07 od 23.05.2007. godine, člana 18. stav 3, člana 22. stav 1. alineja 1. Statuta Javnog preduzeća «Vodovod i kanalizacija» d.o.o. Zenica, Načelnik općine Zenica, vršeći ovlaštenja Skupštine javnog preduzeća, na prijedlog Nadzornog odbora, donosi

O D L U K U**O DOPUNI I IZMJENI STATUTA JAVNOG PREDUZEĆA «VODOVOD I KANALIZACIJA» D.O.O. ZENICA****Član 1.**

Ovom Odlukom vrši se dopuna i izmjena Statuta Javnog preduzeća «Vodovod i kanalizacija» d.o.o. Zenica («Službene novine općine Zenica», broj 5/06), i to:

Ovim Prijedlogom vrši se dopuna i izmjena Statuta Javnog preduzeća «Vodovod i kanalizacija» d.o.o. Zenica («Službene novine općine Zenica», broj 5/06), a shodno Odluci o klasifikaciji djelatnosti Bosne i Hercegovine 2010. godine („Službeni glasnik Bosne i Hercegovine“, broj 47/10), («Službene novine općine Zenica», broj 5/06), i to:

Član 6. stav 2, mijenja se i glasi :

“Preduzeće obavlja djelatnost, usklađene sa Standardnom klasifikacijom djelatnosti, prema Odluci o standardnoj klasifikaciji djelatnosti, (“Službeni glasnik Bosne i Hercegovine“ broj 47/2010. godine), a kako slijedi:

- 36 sakupljanja, prečišćavanje i distribucija vode,
- 37 uklanjanje otpadnih voda, odvoz smeća i slične djelatnosti,
- 42 izgradnja hidrograđevinskih objekata,
- 46. 74 trgovina na veliko željeznom robom, instalacionim materijalom i opremom za vodovod i grijanje,

- 46. 75 trgovina na veliko hemijskim proizvodima,
- 71 arhitektonske i inženjerske djelatnosti; tehničko ispitivanje i analiza,
- 35 proizvodnja i distribucija električne energije
- 11. 07 proizvodnja osvježavajućih pića; proizvodnja mineralne vode i drugih flaširanih voda
- 03 ribolov i akvakultura”.

Član 2.

Ova odluka stupa na snagu danom donošenja, a objavit će se u “Službenim novinama općine Zenica”.

Broj: 02-49-23381/11

Zenica, 30.12. 2011. god.

NAČELNIK OPĆINE
Husejin Smajlović

SADRŽAJ

VIJEĆE OPĆINE

1. ODLUKA - O PRIVREMENOM FINANSIRANJU OPĆINE ZENICA ZA PERIOD JANUAR –MART 2012. GODINE 1
2. ODLUKA - O ZAŠTITI IZVORIŠTA PITKE VODE „DŽULANOVO VRELO“ 2
3. ODLUKA - O UPUĆIVANJU NACRTA REGULACIONOG PLANA „CENTAR I“ NA JAVNU RASPRAVU 5
4. ODLUKA - O DODJELI MANDATA KANDIDATIMA ZA PREDSEDNIKA I ČLANA SAVJETA MZ «BISTRICA» 6

NAČELNIK OPĆINE

5. ZAKLJUČAK - O ISPRAVCI TEHNIČKE GREŠKE U PRAVILNIKU O UNUTRAŠNJOJ ORGANIZACIJI OPĆINSKIH SLUŽBI 6
6. ZAKLJUČAK - O UVEĆANJU SREDSTAVA U BUDŽETU OPĆINE ZENICA ZA 2011. GODINU 7
7. ZAKLJUČAK - O UNUTRAŠNJEM PRESTUKTUIRANJU SREDSTAVA BUDŽETA OPĆINE ZENICA ZA 2011. GODINU U RAZDIJELU BROJ 19. BUDŽETSKA ORGANIZACIJA 01: POTROŠAČKA JEDINICA 0001 U SLUŽBI ZA BORAČKO INVALIDSKU ZAŠTITU 7
8. ZAKLJUČAK - O UNUTRAŠNJOJ PRERASPODJELI SREDSTAVA IZ BUDŽETA OPĆINE ZENICA ZA 2011. GODINU U SLUŽBI ZA KOMUNALNE POSLOVE I EKOLOGIJU 8
9. ZAKLJUČAK - O UNUTRAŠNJOJ PRERASPODJELI SREDSTAVA IZ BUDŽETA OPĆINE ZENICA ZA 2011. GODINU U SLUŽBI ZA KOMUNALNE POSLOVE I EKOLOGIJU 8
10. ZAKLJUČAK - O UNUTRAŠNJOJ PRERASPODJELI SREDSTAVA IZ BUDŽETA OPĆINE ZENICA ZA 2011. GODINU U RAZDJELU 21- SLUŽBA ZA ZAJEDNIČKE POSLOVE 9
11. ZAKLJUČAK - O UNUTRAŠNJOJ PRERASPODJELI SREDSTAVA IZ BUDŽETA OPĆINE ZENICA ZA 2011. GODINU U SLUŽBI ZA OPĆU UPRAVU I STAMBENE POSLOVE , RAZDJEL 17, BUDŽETSKA OGRANIZACIJA 01 POTROŠAČKA JEDINICA 0001 9
12. ZAKLJUČAK - O UNUTRAŠNJOJ PRERASPODJELI SREDSTAVA IZ BUDŽETA OPĆINE ZENICA ZA 2011. GODINU U RAZDJELU BROJ 12 BUDŽETSKA ORGANIZACIJA 01; POTROŠAČKA JEDINICA 0001, SLUŽBA CIVILNE ZAŠTITE 10
13. ZAKLJUČAK - O UNUTRAŠNJOJ PRERASPODJELI SREDSTAVA IZ BUDŽETA OPĆINE ZENICA ZA 2011. GODINU U RAZDJELU 18. SLUŽBE ZA DRUŠTVENE DJELATNOSTI I SOCIJALNU ZAŠTITU I JU CENTAR ZA SOCIJALNI RAD ZENICA 11

JP VODOVOD I KANALIZACIJA D.O.O. ZENICA

14. ODLUKU - O DOPUNI I IZMJENI STATUTA JAVNOG PREDUZEĆA «VODOVOD I KANALIZACIJA» D.O.O. ZENICA 11

IZDAVAČ: Općina Zenica, Trg BiH broj 6. ● **GLAVNI I ODGOVORNI UREDNIK:** Selver Keleštura, sekretar Općine - Telefon: 032/401-215 ● **ŠTAMPA:** NIPD “Naša riječ“ d.o.o. Zenica ● **PRETPLATA:** Godišnja pretplata uplaćuje se na transakcijski račun Općine Zenica - Budžet Općine, broj: 134-010-0000042994